



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCCLIII. Wolf von Uchtenhagen stellt für Busso Sydow einen Schuldbrief aus, am 11. November 1529.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

gnum duximus, vti manuale quoddam, quamdiu idem indicus esset in officio eius beneficii redditus et emolumenta, perciperet, eo amoto nichil juris in eo haberet si successor suus simili jure vel modo redditus obtineret. Nichilominus divina in eo beneficio consueta fiant, nos et nostros successores perpetuo obligemur. Quamque temporibus transactis a predecessore vestre paternitatis similem confirmationem obtinuimus, sed per incurium nostram est amissa. Reuerende pater, cum his omnia et singula absque ordinarii diocesis confirmatione nullum habent robur et firmitatem, Supplicamus humiliter vestram reuerendam paternitatem, quatenus velitis huiusmodi vñionem, annexionem et incorporationem dicti Beneficii reddituum ad officium indicatus nostri confirmare et autorizare, vt perpetue habeat firmitatem, ab omnium largitore premium recepturi. Datum Konigesberge, vñdecima Januarii Anno MDXXVIII sub secreto nostri Opidi Konigesbergenfis.

Die bischöfliche Confirmation erfolgte Colberge decima octaua Januarii MDXXIX.

Nach dem Originale des Königsberger Stadtarchivs No. 308.

CCCLIII. Wolf von Uchtenhagen stellt für Bussö Sydow einen Schuldbrief aus,
am 11. November 1529.

Ich Wolff von vchtenhagen, zum Nigenhöffen geseßen, bokenne offentlich mydt dyßem mynen offen brybe vor mych, myne erben vnd erpneren vnd szunst vor allermenichlich, dy den sehen, horen adder lesen, Das ich dem Erbarn vnd vhesten Bussen Sydow, erffles zue Goffen, synen erben vnd erpneren schuldig byn geworden viffenthlicher schult vff eyne widderkouff also sechs guldene renthe vor eynhundert guldene hoptsumma, welche Summa er mich vff myn ahnzuchen gütwillich geligen vnd dy myr ahn guten Merchschen groschen yo zwe vnd dryßig vff eyne gulden zw der genüge zwgezalt vnd vberreicht, welche ich yn myn vnd myner erben hndt vnd from gewant habe, welche sechs gulden zcinse ich vrsprechche gemelten Bussen Sidow, synen erben vnd ersnmeren neben mynen erben yn krafft diß bryues alle iare vff Martini vs mynen redeften pflechten vñvorzoglich zw vorrechen vnd yhn syne wanunge zw vorschaffen also lange das solch einhundert gulden hoptsumma nicht widder abe gegeben wyrt. Wheres och, das gemelter Bussö Sido, syne erben vnd erpnerer solche vorgeschribene Summa nicht lenger by myr lassen wolde odder ich sy nicht lenger nheben mynen erben vnd erbnmeren vorrenten wollen, sollen wier ahn beiden teylen mechtig syhn eyner dem andern solch eynhundert gulden hoptsumma eyn fyrtell ier zu vor vffsagen, vnd dar na vff den negeß kommenden Martini tagk soll vnd will ich gedachter Wolff von vchtenhagen odder myne erben, Ihm, syne erben vnd erpnerern gewislich vnd getrevlich solch eynhundert gulden hoptsumma sampt der vnd aller vorfessener renthen vorreichen vnd bozalen. Wer es och, das vilgemelter Bussö Sido odder syne erben etzlichen schaden teden odder thun odder vorkürtz worden ahn der bozalung hoptsummen vnd renthen, dy howieslich were, den selßtigen gelobe ich Wolff von vchtenhagen, myne erben vnd erbnmerer zw bonemende vnd vßzustehende ahne alle ynßage geßilichs odder weltlichs recht nicht zw hulße zw nhemen hern gebot, heren krieck, heren geleite, rechttag, noch nodt

des landes, Och nicht zw hülffe zu nhemen, das dyßer bozalunge hoptsvmmen vnd renthen schaden magk geben, dissen briep och nicht zu brechchen mydt eyden, quidbrywen adder szunft mydt eynigernley bohelff vnd argelift, why menschen syhn erdencken muchten, szunder gherne zw dancke vff gemelten termin anhe wideren vorzock getwlich zw bozalen. Dys also festhlich zw halten, habe ich dyße nachfolgigen zw bürgen, mydtlobere vnd selbschuldigere vorbenant alse dem Erbaren vnd vhesten Valentin von Cziefer, erpfes zur Buko, vnd plaull Barffs zw konrstorff vnd wy itzt gemelte bürgen gelaben sacheweltig vnd selbschuldig semplich vnd szunderlich nheben vnserm hoptman Wolff von vchtenhagen alle dyße artickel vnvorrückt vnd festhlich zw halten anhe allen bohelff geisthlichs vnd weltlichs gericht nichts vfgnommen, vnd dys zw urkunt habe ich Wolff von vchtenhagen neben mynen bürgen, eyn ichlicher vor sich, syn eigen ahngeboren Sigill vnden abn dyßen brieff lassen truckken, dy gegeben ist nach cristi gebort M. funffhundert darnach Im XXIX iare ahm tage Martini.

Nach dem Originale des Königsberger Stadtarchives No. 309.

CCCLIV. Markgraf Johann bestätigt der Stadt Königsberg ihre Rechte und Freiheiten, am 28. Januar 1536.

Von gots genaden Wir Johans, Marggraue zu Brannenburg, zu Stettin, Pomern, der Cassuben vnd Wenden Hertzog, Burggraue zu Nürenberg vnd fürste zu Rügen, Bekennen offentlich mit disem vnserem brieue fur vns, vnser erben vnd Nachkomenden Marggrauen zu Brandenburg vnd sunft vor Jedermeniglich, Nachdeme vns vnser lieben getrewen Bürgermeyster vnd Rathmanne vnser stadt konigsperg vndertheniglich angesucht vnd gebetten, Das wir Inen alle Ire Priuilegien, freyheit vnd gerechtigkeit auch alte gute gewonheiten, Damit sie von vnsern vorfaren den herscharfften befreyet vnd begnadet, gnediglich wolten Confirmieren vnd bestetigen, haben wir angesehen Ire gehorsame pitt, Auch vnderthenige trewe dinst, so sie vns vnd vnsern vorfarn Marggraffen zu Brandenburg vleyßig vnd willig gethan, hinforder deßter williger thun sollen vnd mogen, Vnd haben gemelten vnsern lieben getrewen Burgermeyster, Rathmanen, Wercken vnd gantzer gemeine der berürten vnser stadt konigsperg, die nw sein vnd In zukunfftigen zeitten sein vnd komen werden, Confirmieret, bevehliget vnd bestetiget, Confirmiren, bevehligen vnd bestetigen In crafft dis vnser brieues alle Ire Priuilegien, gerechtigkeiten, freyheyten vnd alle gute gewonheiten, so sie vnd Ire vorfarn rechtmessig vnd woll herbracht vnd bis her In gebrauch, vbung vnd besitz gehabt vnd noch haben, vnd wollen sie auch bleyhen lassen bey Ehren vnd gnaden In aller mafs, Als sie damit an vns gekommen sein Vnd als wir sie gefunden haben. Wir wollen Inen ouch halten alle Ire priuilegia vnd briue, die sie haben von fürsten vnd fürstynnen, vnsern vorfarn, vnd der sie sich bis her zymlichen vnd redlichen gebraucht vnd noch Itzt In vbung vnd gebrauch haben vnd alles, wes wir Inen von Rechts wegen bevehligten vnd Confirmiren sollen vnd mogen; Doch vns, vnsern erben vnd nachkomen an vnser oberkeit vnd rechten vnd sunft einem Jederman an seinen rechten one schaden. Zu urkhunt mit vnserm anhangenden Insigel besigelt vnd geben